



Na osnovu člana 145. stav 3. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", br. 39/03 i 22/06), direktor Federalne uprave civilne zaštite donosi

PRAVILNIK

O ODJEĆI I OBUĆI, OZNAKAMA SPECIJALNOSTI I KOMANDNIH DUŽNOSTI, UPOTREBI ZNAKA CIVILNE ZAŠTITE I IDENTIFIKACIONOJ ISKAZNICI ZA PRIPADNIKE CIVILNE ZAŠTITE

I. OSNOVNE ODREDBE

Član 1.

Ovim pravilnikom propisuju se vrsta, sastav, oblik, boja i način nošenja odjeće i obuće pripadnika civilne zaštite (u daljnjem tekstu: uniforma civilne zaštite), oznake specijalnosti jedinica i komandnih dužnosti pripadnika civilne zaštite, način upotrebe znaka civilne zaštite i veličina i sadržaj identifikacijske iskaznice za pripadnike civilne zaštite (u daljnjem tekstu: identifikacijska kartica) u Federaciji Bosne i Hercegovine (u daljnjem tekstu: Federacija BiH).

Član 2.

Pripadnici civilne zaštite imaju uniformu civilne zaštite, koja je ista za sve pripadnike štabova, jedinica i povjerenika civilne zaštite i službi zaštite i spašavanja (u daljnjem tekstu: pripadnici civilne zaštite), bez obzira na njihovu vrstu, namjenu i nivo vlasti na kome su organizovani.

Član 3.

Specijalnosti jedinica i komandne dužnosti pripadnika civilne zaštite obilježavaju se posebnim oznakama koje su propisane ovim pravilnikom.

Član 4.

Pripadnici civilne zaštite imaju identifikacionu iskaznicu pripadnika civilne zaštite koja predstavlja ličnu kartu za osoblje civilne zaštite (u daljnjem tekstu: lična karta civilne zaštite) koja se izrađuje, izdaje i koristi na način propisan ovim pravilnikom.

Član 5.

Pripadnici civilne zaštite i objekti, sredstva i oprema civilne zaštite obilježavaju se znakom civilne zaštite na način propisan ovim pravilnikom.

II. UNIFORMA PRIPADNIKA CIVILNE ZAŠTITE

1. Vrsta uniforme civilne zaštite

Člen 6.

Uniformu pripadnika civilne zaštite u Federaciji BiH čini:

- 1) službena uniforma,
- 2) radni kombinezon,
- 3) dodatna oprema.

a) Službena uniforma

Član 7.

Službenu uniformu pripadnika civilne zaštite čine:

- 1) kapa,
- 2) košulja,
- 3) pantalone sa opasačem,
- 4) ljetnja jakna,
- 5) zimska jakna - vjetrovka,
- 6) majica s kratkim rukavima,
- 7) radne rukavice,
- 8) kišna kabanica,
- 9) obuća (polučizme ili duboke cipele),

Službena uniforma pripadnika civilne zaštite ista je za muškarce i za žene.

Član 8.

Osnovna boja tkanine za kapu, pantalone, ljetnju i zimsku jaknu je tamnoplava, a za košulju svijetloplava. Boja postave, gajtana i patentnih zatvarača prilagođava se osnovnim bojama.

Boja polučizama i dubokih cipela je crna.

b) Radni kombinezon

Član 9.

Radni kombinezon se izrađuje od platna blago narandžaste boje.

Kapa uz radni kombinezon je po obliku ista kao kapa uz službenu uniformu civilne zaštite s tim što se razlikuje po tome, što je narandžaste boje i nema naušnike.

c) Dodatna oprema

Član 10.

Pod dodatnom opremom podrazumijevaju se:

- 1) vuneni džemper,
- 2) radni prsluk,
- 3) ranac za pakovanje uniforme civilne zaštite.

Dodatna oprema iz stava 1. ovog člana izrađuje se u tamnoplavoj boji.

2. Sadržaj i veličina pojedinih dijelova uniforme civilne zaštite, radnog kombinezona i dodatne opreme

a) Kapa

Član 11.

Kapa je sportskog kroja. Sašivena je od osnovnog dijela, sjenjičnaka i naušnika. Osnovni dio kape postavljen je s nepromočivim platnom.

Kapa se izrađuje u veličinama od 54 do 60, sa intervalom identičnosti od 1 cm, a određeni broj označava unutrašnji obim kape mjeren u cm preko znojnice.

Kapa je istovjetna za sve pripadnike civilne zaštite (muškarce i žene).

Izgled kape prikazan je na slici broj 1.

b) Košulja

Član 12.

Košulja se sastoji od dva prednja i tri zadnja dijela i rukava.

Prednji dijelovi košulje su sječeni u visini grudi. Košulja je naprijed otvorena po cijeloj dužini, a zakopčava se sa četiri skrivena, tri ukrasna i jednim dugmetom u okovratniku na desnoj i osam rupica na lijevoj strani. Sa desne strane košulje ispod prosiječenog dijela na grudima izrađen je ušiveni džep sa patnom koji se kopča dugmetom. Na ovom džepu u donjoj lijevoj strani sa vanjske strane košulje izrađen je našiveni džep prošiven vertikalno na tri dijela kao na slici broj 2. Na 10 cm od poruba bočnih strana izrađeni su šlicevi košulje. Preklop dvije prednjice košulje izrađen je

ovalno. Na ramenima su izrađene epolete. Kragna se na špicevima kopča sa dva dugmeta za prednjice košulje.

Leđni dio košulje, sječen je u visini lopatica (slika broj 3). Na sredini leđnog dijela od šavova prema dolje izrađena je jedna dupla faltna dužine 30 cm. Kragna sa leđnog dijela završava se u špic i kopča jednim dugmetom.

Prednji i zadnji psec izrađen je od duplog materijala koji ujedno služi kao ojačanje. Rukavi su u gornjem dijelu ušiveni u orukavlje košulje, a u donjem dijelu završavaju se mandžetnom širine 7 cm, s rupicom i dugmetom u sredini.

Rukavi su sječeni u visini šava na grudima sa prednje strane i šava na leđima i završavaju se sa dvije male faltne i šlicem sa zadnje strane. Sa unutrašnje strane rukava (naličja) izrađene su spojke koje se završavaju rupicom, a sa lica rukava pričvršćeno je dugme koje pridržava rukav u ljetnom periodu i tako daje utisak kratkog rukava.

Košulja se radi u veličinskim brojevima 36 do 46, tako da je veličinski broj okovratnika i broj košulje.

Izgled košulje prikazan je na slici broj 2, 3 i 4.

Ženska košulja identična je muškoj, s tim što se desna strana zakopčava preko lijeve.

c) Pantalone

Član 13.

Pantalone su dugačke, sastoje se od dvije prednje i dvije zadnje strane. Na prednjoj strani izrađen je šlic koji se kopča patentnim zatvaračem, koji se sa lica ne vidi. U gornjem dijelu, prednjeg dijela nogavica ukrojena su po dva džepa, a na koljenima su postavljena štepana ojačanja i ušivana u šavovima nogavica.

Sa strane je na nogavicama iznad koljena pantalone našiven po jedan džep.

Sa zadnje strane u raskoraku pantalone postavljena su štepana ojačanja iznad kojih su izrađena dva usječena džepa sa patnama i nitnama za zakopčavanje.

Na gornjem dijelu pantalone izrađena je pojasnica u koju je na zadnjem dijelu od šava do šava ugrađena guma. Na pojasnici su ugrađena duple gajkice za opasač.

Krajevi otvora nogavica podvijaju se širinom za 1,5 cm, a potom se u podvijeni dio uvlači guma. Na 5 cm iznad otvora nogavica našiva se spona od 8 cm, širine uz šav 3,5 cm, u pravcu suprotnih uglova 4,5 cm sa nitnom u sredini.

Ispod našivenih džepova, na nogavicama, na 5 cm ušiva se fluorescentna traka narandžaste boje širine 5 cm.

Uložak za pantalone je napravljen od termo materijala i u zimskom periodu za pantalone se kopča dugmadima.

Muške pantalone se rade u veličinskim brojevima od 44 do 62, a ženske u veličinskim brojevima 36 do 56.

Ženske pantalone identične su muškim, s tim što se desna strana šlica zakopčava preko lijeve.

Pantalone imaju elastične tregere širine 50 mm, koji su ušiveni sa prednje i zadnje strane.

Izgled pantalona prikazan je na slici broj 5.

d) Ljetnja jakna

Član 14.

Ljetnja jakna sastoji se od dva prednja i jednog zadnjeg dijela, rukava sa ojačanjima na ramenima, gornjem dijelu leđa i na podlakticama, komotna je i dugačka 15 cm ispod struka. Naprijed je otvorena po cijeloj dužini, a otvor se zakopčava pomoću pet vanjskih i tri unutrašnje nitne.

Ojačanja na ramenima su koso postavljena i štepana u razmaku 4 x 4 cm.

Prednjice su sječene iznad grudi sa unutrašnjim džepovima i patnama sa nitnama za zakopčavanje.

Džepovi su izvana štepani do jedne trećine donjeg ruba.

Isti džepovi su urađeni ispod struka i kopčaju se nitnama. U pojasu je ugrađena guma, širine 5 cm sa unutrašnje strane koja izlazi na lice tkanine i završava se metalnom kopčom. Ispod orukavnice izrađene su znojnice sa metalnim otvorima. Kragna je blago ovalna i pruža mogućnost podizanja i kopčanja ispod vrata. Na ramenima su ugrađene epolete.

Zadnji dio jakne sastoji se od jednog dijela, sa koso postavljenim ojačanjima na ramenima i ojačanjem ispod kragne. U desnom donjem uglu je ušiveni džep sa patnom koja se kopča nitnom.

Na zadnjem dijelu jakne iz stava 4. ovog člana utiskuje se fluorescentnom narandžastom bojom naziv "CIVILNA ZAŠTITA". Slova su veličine 50 mm.

Rukavi su u gornjem dijelu ušiveni u orukavlje jakne. Duboko su usječeni i rezani sa prednje i zadnje strane u visini ojačanja na prednjici i leđima. Porub rukava je štepan 3 cm od ruba rukava. U šavu sa prednje strane rukava ušivena je ukrasna epoleta širine 5 cm i kopča sa nitnom sa zadnje strane.

Na rukavima iznad poruba iz stava 6. ovog člana, našiva se fluorescentna traka narandžaste boje širine 5 cm.

U pazuhu su izrađene znojnice. Svi štepovi su vanjski i ukrasni.

Ženska ljetna jakna identična je muškoj, s tim što se desna strana zakopčava preko lijeve.

Muška ljetna jakna se izrađuje u veličinskim brojevima od 44 do 62, a ženska u veličinskim brojevima od 36 do 56.

Izgled ljetne jakne prikazan je na slici broj 6 i 7.

e) Zimska jakna - vjetrovka

Član 15.

Zimska jakna - vjetrovka sastoji se od dva prednja i jednog zadnjeg dijela, rukava sa ojačanjima na ramenima, gornjem dijelu leđa i na podlakticama. Komotna je i dugačka do visine prirodnog koraka. Naprijed je otvorena po cijeloj dužini, a otvor se zakopčava pomoću patentnog zatvarača i pet vanjskih nitni.

Prednjice su sječene iznad grudi sa unutrašnjim džepovima i patnama sa nitnama za zakopčavanje. Džepovi su izvana štepani do jedne trećine donjeg ruba. Isti džepovi su urađeni ispod struka i kopčaju se nitnama. U pojasu je ugrađena guma, širine 5 cm sa unutarnje strane koja izlazi na lice tkanine i završava se metalnom kopčom. Ispod orukavnice izrađene su znojnice sa metalnim otvorima. Kragna je blago ovalna i pruža mogućnost podizanja i kopčanja ispod vrata.

Zadnji dio jakne sastoji se od štepanog ojačanja na gornjem dijelu leđa, znojnica i ugrađenom gumom u pojasu.

Na zadnjem dijelu jakne iz stava 3. ovog člana utiskuje se fluorescentnom narandžastom bojom naziv "CIVILNA ZAŠTITA". Slova su veličine 50 mm.

Rukavi su u gornjem dijelu ušiveni u orukavlje jakne. Duboko su usječeni i rezani sa prednje i zadnje strane u visini ojačanja na prednjici i leđima. Porub rukava je štepan 3 cm od ruba rukava. U šavu sa prednje strane rukava ušivena je ukrasna epoleta širine 5 cm i kopča sa nitnom sa zadnje strane.

Na rukavima iznad poruba iz stava 5. ovog člana našiva se fluorescentna traka narandžaste boje širine 5 cm.

U pazuhu su izrađene znojnice. Svi štepovi su vanjski i ukrasni.

Ženska zimska jakna identična je muškoj, s tim što se desna strana zakopčava preko lijeve.

Muška zimska jakna se izrađuje u veličinskim brojevima od 44 do 62, a ženska u veličinskim brojevima od 36 do 56.

Izgled zimske jakne prikazan je na slici broj 8.

f) Majica sa kratkim rukavima

Član 16.

Majica sa kratkim rukavima je izrađena od 100 % pamuka u tamnoplavoj boji. Na prednjoj lijevoj strani, u visini prsa, utisnut je fluorescentni narančasti tekst "CIVILNA ZAŠTITA". Slova su veličine 15 mm.

Majica sa kratkim rukavima izrađuje se u veličinskim brojevima od 36 do 62.

Izgled majice sa kratkim rukavima prikazan je na slici broj 9.

g) Radne rukavice

Član 17.

Radne rukavice su petoprstne i izrađene su od prirodne mekane kože, dizajnirana za optimalnu zaštitu šake od opterećenja pri radu, odnosno mehaničkih opterećenja.

Radne rukavice se izrađuju u veličinskim brojevima od 9 do 11.

Izgled radne rukavice prikazan je na slici broj 10.

h) Kišna kabanica

Član 18.

Kišna kabanica (u daljnjem tekstu: kabanica) uobičajenog je kroja, izrađena od nepromočivog materijala, dužine do koljena i ima kapuljaču. Zakopčava se s 4 do 6 drikera, a sa lijeve i desne strane prednjice nalaze se kose lajsne - imitacije džepova. Kišna kabanica je od ovratnika do sredine prsa i preko pleća ojačana istim materijalom od kojeg je izrađena, a na plećima ispod ojačanja, kao i ispod pazuha, ušivena je mrežasta traka.

Na leđima kabanice utiskuje se fluoreskentnom naran- džastom bojom tekst "CIVILNA ZAŠTITA". Slova su veličine 50 mm.

Na rukavima kabanice, na udaljenosti od 20 cm od poruba rukava ušiva se fluorescentna narandžasta traka širine 5 cm.

Kabanica se izrađuje u tamnoplavoj boji.

Kabanica se izrađuje u veličinskim brojevima od 38 do 62.

Izgled kabanice prikazan je na slici broj 11.

i) Radni kombinezon

Član 19.

Radni kombinezon je izrađen iz jednog dijela. Na prednjoj strani se otvara rajferšlusom koji je skriven i ponovno se zakopčava sa četiri metalne nitne.

Na prednjem dijelu kombinezona iznad pojasa našivena su dva džepa. Na sredini lijevog džepa na prsima ušivena je elastična čičak traka za koju se kači oznaka funkcije. Na leđima je utisnut fluorescentni srebrenasti natpis "CIVILNA ZAŠTITA". Slova su veličine 50 mm.

Na pantalonama, ispod pojasa, ušivena su dva unutarnja džepa.

U okovratnik radnog kombinezona ušivena je kapuljača.

Na nogavicama pantalona i rukavima kombinezona na udaljenosti od 15 cm našivena je fluorescentna srebrenasta traka širine 5 cm.

Izgled radnog kombinezona prikazan je na slici broj 12.

j) Vuneni džemper

Član 20.

Vuneni džemper dugih rukava (u daljnjem tekstu: džemper) izrađen je od 50% vune i 50% poliestera s ojačanjima na ramenima u tamnoplavoj boji. Završeci na rukavima i oko struka su elastični. Džemper mora imati visoki ovratnik s patentnim zatvaračem s prednje strane dužine 30 cm od vrha okovratnika.

Na prednjoj strani džempera, na lijevoj strani, nalazi se pravougli džep veličine 12 x 10 cm s poklopcem na čičak.

Džemper se izrađuje u veličinama od 36 do 62.

Izgled džempera prikazan je na slici broj 13.

k) Radni prsluk

Član 21.

Radni prsluk (u daljnjem tekstu: prsluk) izrađen je od istog materijala kao i zimska jakna - vjetrovka iz člana 15. ovog pravilnika, a sastoji se od dva prednja i jednog zadnjeg dijela i nema rukave. Naprijed je otvorena po cijeloj dužini, a otvor se zakopčava patentnim zatvaračem i pet unutrašnjih nitni. Okovratnik je podignut i u njega je ugrađena šukuljica koja se u okovratnik slaže i zatvara patentnim zatvaračem.

Na prednjem dijelu prsluka, na prsima sa lijeve i desne strane našivena su dva džepa koja se zatvaraju čičkom.

Ispod džepova iz stava 2. ovog člana našivena su dva veća džepa koja se zatvaraju sa po dvije nitne.

Na zadnjem dijelu prsluka utiskuje se fluorescentnom narandžastom bojom naziv "CIVILNA ZAŠTITA". Slova su veličine 50 mm.

Ženski prsluk identičan je muškom, s tim što se desna strana zakopčava preko lijeve.

Muški prsluk se izrađuje u veličinskim brojevima od 44 do 62, a ženski u veličinskim brojevima od 36 do 56.

Izgled prsluka prikazan je na slici broj 14.

l) Ranac za pakovanje uniforme civilne zaštite

Član 22.

Ranac za pakovanje uniforme civilne zaštite (u daljnjem tekstu: ranac) izrađen je od vodonepropusnog umjetnog platna, maksimalne zapremine 25 litara s mogućnošću smanjivanja zapremine. S prednje strane nalaze se tri džepa s poklopcem. S donje strane ranca pričvršćeni su remeni za slučaj potrebe pakovanja vreće za spavanje, kao i bočno sa obadvije strane. Za nošenje ranca služi remenje koje je prošireno i postavljeno radi udobnosti prilikom nošenja. Oko struka se

nalazi podesivi remen zbog učvršćivanja ranca uz tijelo. Zadnja strana ranca je ojačana, na njoj se nalazi džep u koji se stavlja kartica sa podacima o vlasniku ranca. Na poklopcu ranca je utisnut opći znak civilne zaštite. Iznad džepova pričvršćena je fluorescentna narandžasta traka širine 5 cm.

Izgled ranca prikazan je na slici broj 15.

3. Način šivenja uniforme civilne zaštite

Član 23.

Šavovi, štepovi i dugmad, pomoćni materijal i pribor, kao i šivanje uniforme civilne zaštite iz člana 7. ovog pravilnika, mora u cijelini, biti tako da su šavovi pravilni i ravni, bez propuštenih uboda igle. Gustina mašinskih uboda igle je 4-5 na 1 cm. Svi dijelovi spajaju se šavovima širine 7-8 mm, a njihovi početni i završni krajevi učvršćuju se popravnim mašinskim štepom. Šavovi se na lice našivaju, a iznutra porubljaju.

Na odjevne predmete pričvršćuju se nitne i dvije vrste dugmadi, i to:

- 1) manja dugmad, za 4 rupice, prečnika 14 mm, koja služe za zakopčavanje termouloška u muškim pantalonama,
- 2) dugmad za košulje, koja se koriste za zakopčavanje košulja i narukavlja,
- 3) pomoćni materijal i pribor je po standardima široke potrošnje i mora biti sa ovjerenim uzorkom.

Član 24.

Vrsta, kvalitet i ostala svojstva osnovnog repromaterijala od kojeg se izrađuju predmeti uniforme civilne zaštite, moraju biti, u skladu sa ovim pravilnikom, a izrađuju se od materijala propisanih važećim standardima u Bosni i Hercegovini i Federaciji BiH.

4. Obuća civilne zaštite

Član 25.

Polučizme ili duboke cipele, (u daljnjem tekstu: cipele) izrađene su od gornjeg i donjeg dijela. Gornji dio cipela izrađuje se od kože - boksa, a sastoji se od prednjice, zadnjeg dijela, sare i zatvorenog jezika koji su sastavljeni sa dva reda štepa.

Prednjica je postavljena kožnom postavom sa ojačanim prednjim dijelom.

Sara, odnosno zadnji dio cipele postavljen je kožnom postavom. U visini od 5 cm od donjeg dijela cipele ojačani su lubovi od članka sa tvrdom kožom ili drugim materijalom (između postave i lica), a gornji dio sare, oko cijelog članka, između lica i postave nalazi se spužvasto ojačanje.

Donji dio cipele izrađen je iz jednog dijela, gumenog đona, sa dodatkom kožnog ojačanja između donjeg i gornjeg dijela.

Cipele se pertlaju prtenim pertlama koje se uvlače, u donjem dijelu u 4 metalne ringle i u gornjem dijelu 3 metalne zakačke.

Cipele se izrađuju u veličinskim brojevima od 36 do 48.

Izgled cipele prikazan je na slici broj 16.

5. Obilježavanje, pakovanje i održavanje uniforme i obuće civilne zaštite

Član 26.

Uniforma i obuća civilne zaštite, prilikom izrade, obilježavaju se utkanom, vezenom ili štepanom etiketom sa podlogom opšteg znaka civilne zaštite, izrađenom po tipu široke potrošnje, koja sadrži slijedeće podatke: skraćeni naziv i mjesto proizvođača, oznaku veličinskog broj a i godinu proizvodnje.

Etikete moraju biti štampane postojanim bojama tako da mogu podnijeti više pranja ili hemijskih čišćenja.

Etikete se ušivaju na košulju (mušku i žensku), ljetnju i zimsku jaknu, pantalone, radni kombinezon, džemper, polover, kabanicu i cipele na mjestima gdje se to čini i kod normalne serijske proizvodnje ovih i ovakvih predmeta.

Član 27.

Uniforma i obuća civilne zaštite, pakuju se na uobičajen način i stavljaju u polietilensku kesu odgovarajuće veličine.

Ostale uslove grupnog pakovanja i uslove transportnog pakovanja određuje kupac prilikom sklapanja ugovora.

Član 28.

Uniforma civilne zaštite mora se održavati i čuvati kako ne bi došlo do oštećenja ili uništavanja i ne smije se prati bez primjene odgovarajućih uputa datih na deklaraciji proizvođača.

Član 29.

Obuća se spolja čisti četkom, po potrebi i vodom, odnosno vlažnom krpom.

Sušenje se vrši prirodno ili toplim zrakom do 50⁰ C.

Poslije sušenja, obuća se obavezno premazuje zaštitnom pastom za obuću.

Kožna obuća sa gumenim đonom zadržava se, po pravilu, poslije 10 godina, odnosno u kraćem roku ako su korišćenjem u akcijama zaštite i spašavanja oštećene ili uništene.

6. Nošenje uniforme civilne zaštite

Član 30.

Pripadnici civilne zaštite uniformu civilne zaštite nose u slijedećim slučajevima:

1) kada se angažuju na vršenju zadataka u akcijama zaštite i spašavanja;

- 2) prilikom vježbi civilne zaštite,
- 3) na smotrama, paradama i u drugim slučajevima,
- 4) na praktičnoj, a po potrebi i drugoj obuci i
- 5) u svim drugim slučajevima kada to odredi nadležni organ civilne zaštite.

Član 31.

Zavisno od vremenskih prilika i zadataka koji se izvršavaju, uniforma civilne zaštite može se nositi u slijedećim kombinacijama:

- 1) kapa, košulja, ljetnja jakna, pantalone, polučizme - cipele,
- 2) kapa, košulja, ljetnja jakna, pantalone, zimska jakna, polučizme - cipele,
- 3) kapa, košulja, pantalone i polučizme - cipele.

Pored kombinacija u stavu 1. ovog člana, mogu se nositi i drugi odjevni predmeti koji služe za zaštitu pripadnika civilne zaštite od hladnoće.

Član 32.

Proizvodnja uniforme civilne zaštite, radnog kombinezona i dodatne opreme i obuće civilne zaštite koja je propisana ovim pravilnikom vršiće se prema odobrenom uzorku - modelu.

Uzorke-modele iz stava 1. ovog člana odobrava direktor Federalne uprave civilne zaštite izborom odgovarajućeg proizvođača putem tendera kojeg objavljuje ta uprava za potrebe svih korisnika odjeće i obuće civilne zaštite u Federaciji BiH.

III. OZNAKE SPECIJALNOSTI JEDINICA I KOMANDNIH DUŽNOSTI PRIPADNIKA CIVILNE ZAŠTITE

Član 33.

Pripadnici civilne zaštite imaju znak civilne zaštite, oznake specijalnosti i oznake komandnih dužnosti pripadnika civilne zaštite.

Član 34.

Znak i oznake iz člana 33. ovog pravilnika su:

- 1) opći znak civilne zaštite,
- 2) oznaka specijalnosti jedinice civilne zaštite,
- 3) oznake komandne dužnosti u štabovima i jedinicama civilne zaštite i u službama zaštite i spašavanja.

Član 35.

Pripadnici civilne zaštite na uniformi civilne zaštite obavezno nose opći znak civilne zaštite (u daljnjem tekstu: opći znak).

Opći znak se nosi na slijedećim dijelovima odjeće:

- 1) na kapi, iznad sjenjičnjaka, u vidu amblema prečnika 30 mm,
- 2) na desnom rukavu ljetne i zimske jakne, košulje i na kabanici.

Član 36.

Oznake specijalnosti jedinica civilne zaštite predstavlja opći znak, s tim što se u istostranačnom trokutu, tamnoplave boje, stranica 70 mm ucrtavaju simboli specijalnosti, i to:

- 1) za jedinice medicinske pomoći - "crveni krst-križ" sa bijelim rubom (slika broj 17);
- 2) za jedinice radiološko - hemijske i biološke zaštite - "stilizovani trolist djeteline" žute boje (slika broj 18);
- 3) za jedinice za zaštitu od požara - "plamen" crvene boje (slika broj 19);
- 4) za jedinice za zaštitu i spašavanje životinja i namirnica životinjskog porijekla - "svjetloplavi krst-križ" sa bijelim rubom (slika broj 20);
- 5) za jedinicu za asanaciju terena - "trougao" žute boje (slika broj 21);
- 6) za jedinice za uništavanje neeksplozivnih ubojnih sredstava - "silueta bombe" žute boje (slika broj 22);
- 7) za jedinice za spašavanje na vodi i pod vodom - "silueta čamaca" žute boje (slika broj 23);
- 8) za jedinice za spašavanje sa visina - "bijela silueta planinskog masiva i dva bijela oblaka" (slika broj 24);
- 9) za jedinice za zaštitu bilja i biljnih proizvoda - "silueta cvijeta" bijele boje (slika broj 25);
- 10) za jedinice za spašavanje iz ruševina - "silueta građevinske mašine" crvene boje (slika broj 26);
- 11) za jedinice za snabdijevanje - "obrisi šatora zelene boje ispod kojeg je smještena poljska kuhinja crvene boje" (slika broj 27);
- 12) za jedinice za spašavanje iz rudnika - "dva ukrštena rudarska pijuka" bijele boje (slika broj 28);
- 13) za jedinice za komunalne poslove - silueta "dva kruga svjetlosive i tamnosive boje koji predstavljaju cijev" (slika broj 29);
- 14) za jedinice za građevinske poslove - stilizovana "silueta skele" bijele boje (slika broj 30);

- 15) za jedinice za održavanje stambenih objekata - "crtež kuće" bijele boje, (slika broj 31);
- 16) za federalnu jedinicu za brze intervencije - grb Federacije BiH, a u plavom polju u dnu kruga ispisana slova "FJSN", (slika broj 32).

Član 37.

Oznaka pripadnika jedinica civilne zaštite opće namjene predstavlja opći znak iz člana 44. ovog pravilnika.

Član 38.

Oznaka povjerenika civilne zaštite predstavlja opći znak promjera Ø 2 cm na plavoj podlozi dimenzija 5 x 7 cm koji se nalazi u gornjem dijelu podloge, a u donjem dijelu podloge nalaze se četiri svijetložute siluete krila u obliku slova "V" debljine 3 mm (slika broj 33).

Član 39.

Oznake komandnih dužnosti imaju članovi štabova, komandiri jedinica civilne zaštite i rukovodioci službi zaštite i spašavanja.

Član 40.

Oznake komandnih dužnosti u štabovima civilne zaštite nalaze se na tamnoplavoj podlozi dimenzija 5 x 7 cm, a sastoje se u slijedećem:

1) za Federalni štab civilne zaštite

a) *komandant Štaba*, u gornjem dijelu tamnoplave podloge nalazi se opći znak Ø 2 cm, a u donjem dijelu nalaze se tri svijetložute grede debljine 10 mm, a iznad njih dvije grede iste boje, debljine 5 mm (slika broj 34);

b) *načelnik Štaba*, u gornjem dijelu tamnoplave podloge nalazi se opći znak Ø 2 cm, a u donjem dijelu nalaze se tri svijetložute grede debljine 10 mm, a iznad njih jedna greda iste boje, debljine 5 mm (slika broj 35);

c) *član Štaba*, u gornjem dijelu tamnoplave podloge nalazi se opći znak Ø 2 cm, a u donjem dijelu nalaze se tri svijetložute grede debljine 10 mm (slika broj 36);

2) a kantonalni štab civilne zaštite

a) *komandant Štaba*, u gornjem dijelu tamnoplave podloge nalazi se opći znak Ø 2 cm, a u donjem dijelu nalaze se dvije svijetložute grede debljine 10 mm, a iznad njih dvije grede iste boje, debljine 5 mm (slika broj 37);

b) *načelnik Štaba*, u gornjem dijelu tamnoplave podloge nalazi se opći znak Ø 2 cm, a u donjem dijelu nalaze se dvije svijetložute grede debljine 10 mm, a iznad njih jedna greda iste boje, debljine 5 mm (slika broj 38);

c) *član Štaba*, u gornjem dijelu tamnoplave podloge nalazi se opći znak Ø 2 cm, a u donjem dijelu nalaze se dvije svijetložute grede, debljine 10 mm (slika broj 39);

3) *za općinski štab civilne zaštite*

a) *komandant Štaba*, u gornjem dijelu tamnoplave podloge nalazi se opći znak Ø 2 cm, a u donjem dijelu nalazi se jedna svijetložuta greda, debljine 10 mm, a iznad nje dvije grede iste boje debljine 5 mm (slika broj 40);

b) *načelnik Štaba*, u gornjem dijelu tamnoplave podloge nalazi se opći znak Ø 2 cm, a u donjem dijelu nalazi se jedna svijetložuta greda, debljine 10 mm, a iznad nje jedna greda iste boje debljine 5 mm (slika broj 41);

c) *član Štaba*, u gornjem dijelu tamnoplave podloge nalazi se opći znak Ø 2 cm, a u donjem dijelu nalazi se jedna svijetložuta greda, debljine 10 mm (slika broj 42);

4) *za štab civilne zaštite mjesne zajednice*

a) *komandant Štaba*, u gornjem dijelu tamnoplave podloge nalazi se opći znak Ø 2 cm, a u donjem dijelu nalaze se tri tamnocrvene greda, debljine 10 mm, a iznad njih jedna grede iste boje debljine 5 mm (slika broj 43);

b) *načelnik Štaba*, u gornjem dijelu tamnoplave podloge nalazi se opći znak Ø 2 cm, a u donjem dijelu nalaze se dvije tamnocrvene greda, debljine 10 mm, a iznad njih jedna grede iste boje debljine 5 mm (slika broj 44);

c) *član Štaba*, u gornjem dijelu tamnoplave podloge nalazi se opći znak Ø 2 cm, a u donjem dijelu nalaze se jedna tamno crvena greda, debljine 10 mm, a iznad nje jedna grede iste boje debljine 5 mm (slika broj 45).

5) *za štab civilne zaštite pravnog lica*

a) *komandant Štaba*, u gornjem dijelu tamnoplave podloge nalazi se opći znak Ø 2 cm, a u donjem dijelu nalaze se, tri tamnocrvene greda debljine 10 mm, a iznad njih nalaze se silueta krila u obliku slova V debljine 5 mm iste boje (slika broj 46);

b) *načelnik Štaba*, u gornjem dijelu tamnoplave podloge nalazi se opći znak Ø 2 cm, a u donjem dijelu nalaze se, dvije tamnocrvene greda debljine 10 mm, a iznad njih nalaze se silueta krila u obliku slova V debljine 5 mm iste boje (slika broj 47);

c) *član Štaba* u gornjem dijelu tamnoplave podloge nalazi se opći znak Ø 2 cm, a u donjem dijelu nalazi se, jedna greda tamnocrvene boje debljine 10 mm i jedna debljine 5 mm, a iznad njih nalaze se silueta krila u obliku slova V debljine 5 mm iste boje (slika broj 48).

6) *za djelatnike stručne službe štabova*

Djelatnici stručne službe Federalnog, kantonalnog i općinskog štaba civilne zaštite imaju oznake pripadnosti službi odgovarajućeg štaba, koje se nalaze na tamnoplavoj podlozi dimenzija 5 x 7 cm, a sastoje se u slijedećem:

a) *djelatnik stručne službe Federalnog štaba nosi oznaku pripadnosti stručnoj službi koja*, u gornjem dijelu tamnoplave podloge nalazi se opći znak Ø 2 cm, a u donjem dijelu nalaze se, dvije svjetlo žute grede debljine 10 mm, a iznad njih silueta krila u obliku slova "V" debljine 5 mm (slika broj 50).

b) *djelatnik stručne službe kantonalnog štaba*, u gornjem dijelu tamnoplave podloge nalazi se opći znak Ø 2 cm, a u donjem dijelu nalaze se, jedna svjetlo žuta greda debljine 10 mm, a iznad nje silueta krila u obliku slova "V" debljine 5 mm (slika broj 51).

c) *djelatnik stručne službe općinskog štaba*, u gornjem dijelu tamnoplave podloge nalazi se opći znak Ø 2 cm, a u donjem dijelu nalaze se silueta krila u obliku slova "V" debljine 5 mm (slika broj 52).

Član 41.

Oznake komandnih dužnosti u jedinicama civilne zaštite i službi zaštite i spašavanja sastoje se u sljedećem:

a) *za komandire jedinica civilne zaštite*

1) *komandir voda*, u gornjem dijelu tamnoplave podloge nalazi se opći znak Ø 2 cm, a u donjem dijelu nalaze se tri svijetložute siluete krila u obliku obrnutog slova "V" debljine 5 mm, a ispod se nalazi jedna greda iste boje debljine 10 mm (slika broj 53);

2) *komandir odjeljenja*, u gornjem dijelu tamnoplave podloge nalazi se opći znak Ø 2 cm, a u donjem dijelu nalaze se dvije svijetložute siluete krila u obliku obrnutog slova "V" debljine 5 mm, a ispod se nalazi jedna greda iste boje debljine 10 mm (slika broj 54);

3) *vođa tima*, u gornjem dijelu tamnoplave podloge nalazi se opći znak Ø 2 cm, a u donjem dijelu nalaze se jedna svijetložuta silueta krila u obliku obrnutog slova "V" debljine 5 mm, a ispod se nalazi jedna greda iste boje debljine 10 mm (slika broj 55).

b) *za rukovodiocce službi zaštite i spašavanja*

Rukovodioci službi zaštite i spašavanja imaju oznaku službe zaštite i spašavanja, koja se nalazi na tamnoplavoj podlozi dimenzija 5 x 7 cm, a sastoji se u sljedećem: u gornjem dijelu tamnoplave podloge nalazi se opći znak Ø 2 cm, a u donjem dijelu nalazi se jedna greda narandžaste boje širine 15 mm (slika broj 49), a pripadnici službi zaštite i spašavanja imaju odgovarajuću oznaku specijalnosti jedinica civilne zaštite iz člana 36. ovog pravilnika.

Član 42.

Komandiri jedinica civilne zaštite i rukovodioci službi zaštite i spašavanja i članovi štabova civilne zaštite, pored oznake komandne dužnosti, nose i odgovarajuću oznaku specijalnosti iz člana 36. ovog pravilnika.

Član 43.

Oznaku komandne dužnosti članovi štaba, komandiri jedinica civilne zaštite i rukovodioci službi zaštite i spašavanja nose na sredini lijevog džepa košulje i gornjeg džepa ljetne i zimske jakne pričvršćene na elastičnu čičak traku. Na isti način, svoju oznaku, nose i povjerenici civilne zaštite.

Oznaka specijalnosti postavlja se na sredini gornjeg dijela desnog rukava košulje, ljetnje i zimske jakne, na 70 mm od gornjeg šava rukava.

IV. UPOTREBA OPĆEG ZNAKA CIVILNE ZAŠTITE

Član 44.

Opći znak za sve pripadnike civilne zaštite u Federaciji BiH je jedinstven i predstavlja ga međunarodni znak civilne zaštite u vidu jednakokrakog trougla smještenog u krugu prečnika 70 mm. Podloga je narandžaste boje, a trougao plave boje (slika broj 56).

Član 45.

Opći znak se upotrebljava za obilježavanje pripadnika civilne zaštite, kao i za obilježavanje objekata, materijalno - tehničkih i transportnih sredstava i opreme civilne zaštite (u daljnjem tekstu: objekata, sredstava i oprema CZ).

Član 46.

Pripadnici civilne zaštite, opći znak upotrebljavaju kao znak pripadnosti civilnoj zaštiti. Opći znak se nosi prišiven na kapi, košulji, ljetnoj i zimskoj jakni, kabanici i zastavama civilne zaštite.

Član 47.

Kada pripadnik civilne zaštite ne raspolaže uniformom civilne zaštite iz člana 7. ovog pravilnika, a angažuje se na izvršavanju zadataka zaštite i spašavanja, opći znak nosi na nadlaktici lijeve ruke vlastite odjeće koju nosi na 70 mm od gornjeg šava rukava.

Član 48.

Objekti, sredstva i oprema CZ koja služi za potrebe civilne zaštite, radi raspoznavanja, obilježavaju se općim znakom.

Opći znak za obilježavanje objekata, sredstava i opreme CZ, izrađuje se u veličini koja odgovara srazmjerno površini na koju se ističe i koja omogućava da se znak može vidjeti sa zemlje i vazduha.

Član 49.

Opći znak upotrebljava se i u miru i u ratu.

Član 50.

Opći znak se upotrebljava u slijedećim slučajevima:

- 1) za obilježavanje objekata, opreme i sredstava namijenjenih civilnoj zaštiti, za vrijeme trajanja akcije na spašavanju nastradalog i ugroženog stanovništva i za vrijeme vježbi i smotri civilne zaštite i ratnih dejstava,
- 2) na koricama udžbenika, priručnika, pravila, uputstava i drugih publikacija u kojima se obrađuje problematika iz oblasti zaštite i spašavanja, odnosno civilne zaštite,
- 3) na amblemima, medaljama, poveljama i plaketama civilne zaštite,

4) na paketima i drugim vrstama pošiljki, koje civilna zaštita upućuje u zemlji i inostranstvu, kao pomoć u slučaju nastanka prirodnih ili drugih nesreća i opasnosti.

V. LIČNA KARTA PRIPADNIKA CIVILNE ZAŠTITE

Član 51.

Svakom pripadniku civilne zaštite izdaje se lična karta civilne zaštite iz člana 4. ovog pravilnika koja služi za identifikaciju i utvrđivanje statusa pripadnika civilne zaštite.

Lična karta civilne zaštite nosi se u toku vršenja zadataka civilne zaštite, odnosno zadataka zaštite i spašavanja ljudi i materijalnih dobara od prirodnih i drugih nesreća.

Član 52.

Lična karta civilne zaštite je formata 80 mm x 105 mm, čije su spoljašne strane plave boje, a izrađuje se prema obrascu koji je odštampan uz ovaj pravilnik i čini njegov sastavni dio.

Na zadnjoj strani korica identifikacijske iskaznice upisuje se sljedeći tekst: "Organi uprave i druge institucije i pravna lica dužni su imaoocu ove iskaznice omogućiti slobodno kretanje na području na kojem je proglašeno stanje prirodne ili druge nesreće, radi obavljanja poslova zaštite i spašavanja ugroženih ljudi i materijalnih dobara za koje je nadležan i u granicama mogućnosti pružiti mu odgovarajuću pomoć koju zatraži u cilju efikasnog izvršenja tih poslova"

Lična karta civilne zaštite predstavlja ličnu javnu ispravu.

Član 53.

Lična karta civilne zaštite izdaje se svakom licu koje bude raspoređeno u štab, jedinicu, odnosno za povjerenika civilne zaštite i u službe zaštite i spašavanja.

Ličnu kartu civilne zaštite pripadnicima civilne zaštite, iz stava 1. ovog člana izdaju sljedeći organi:

- 1) Federalna uprava civilne zaštite - za članove Federalnog štaba civilne zaštite, službe zaštite i spašavanja i jedinice civilne zaštite formirane na nivou Federacije BiH i povjerenike civilne zaštite u federalnim organima uprave i drugim organima federalne uprave,
- 2) kantonalna uprava civilne zaštite - za pripadnike struktura civilne zaštite iz prethodne tačke formiranih na nivou kantona,
- 3) služba civilne zaštite općine - za pripadnike struktura civilne zaštite koje formira općina, povjerenike i jedinice civilne zaštite u općinskim službama za upravu i drugim organima općinske uprave, mjesnim zajednicama, pravnim licima i drugim institucijama koje nisu obuhvaćene tač. 1. i 2. stava 2. ovog člana.

Član 54.

Pripadnik civilne zaštite dužan je da ličnu kartu civilne zaštite čuva i sa sobom nosi u slučajevima kada po zahtjevu nadležnog organa civilne zaštite bude angažovan na zadacima zaštite i spašavanja.

Zabranjeno je da, pripadnik civilne zaštite, svoju ličnu kartu civilne zaštite daje drugom licu na poslugu i da se služi ličnom kartom civilne zaštite drugog lica.

Pripadnik civilne zaštite, koji izgubi ličnu kartu civilne zaštite ili na drugi način bez nje ostane, dužan je u roku od osam dana od dana saznanja za nestanak prijaviti gubitak, odnosno nestanak lične karte civilne zaštite organu iz člana 53. ovog pravilnika, koji je izdao tu ličnu kartu civilne zaštite.

Član 55.

Organi iz člana 53. ovog pravilnika izdaju novu ličnu kartu civilne zaštite ako pripadnik civilne zaštite promijeni ime ili prezime, kada lična karta civilne zaštite dotraje ili kada nema slobodnih rubrika za upisivanje propisanih podataka, odnosno kada pripadnik civilne zaštite izgubi ličnu kartu civilne zaštite ili na drugi način bez nje ostane.

VI. PRIMJENA ODREDBA OVOG PRAVILNIKA NA PRIPADNIKE CIVILNE ZAŠTITE GRADA

Član 56.

Odredbe ovog pravilnika o odjeći i obući, oznakama specijalnosti jedinica i komandnih dužnosti pripadnika civilne zaštite, načinu upotrebe znaka civilne zaštite i identifikacijskoj istaznici za pripadnike civilne zaštite, koje se odnose na pripadnike civilne zaštite općine, analogno se primjenjuju i na pripadnike civilne zaštite grada.

VII. PRIJELAZNE I ZAVRŠNE ODREDBE

Član 57.

Uniformu i obuću civilne zaštite predviđenu ovim pravilnikom planiraju i nabavljaju organi uprave i drugi organi i pravna lica koji formiraju štabove, jedinice i povjerenike civilne zaštite, kao i službe zaštite i spašavanja, s tim što općina nabavlja uniforme civilne zaštite i obuću za sve povjerenike civilne zaštite koji se imenuju u mjesnim zajednicama i stambenim zgradama, naseljima, selima i zaseocima.

Član 58.

Izradu oznake specijalnosti jedinica civilne zaštite i oznake komandnih dužnosti pripadnika civilne zaštite vrši kantonalna uprava civilne zaštite.

Član 59.

Izradu lične karte civilne zaštite organizuje i finansira Federalna uprava civilne zaštite, a raspodjela se vrši prema zahtjevima kantonalnih uprava i općinskih službi civilne zaštite, uz naknadu koju utvrdi Federalna uprava civilne zaštite.

Član 60.

Skice i slike uniforme civilne zaštite, radnog kombinezona i dodatne opreme i obuće civilne zaštite i predviđene ovim pravilnikom sa slikama općeg znaka, oznakama specijalnosti i oznake komandnih dužnosti u civilnoj zaštiti nalaze se u prilogu pravilnika i čine sastavni dio ovog pravilnika.

Član 61.

Ovaj Pravilnik stupa na snagu osmog dana od dana objavljivanja u "Službenim novinama Federacije BiH".

Broj 08-02/2-409/06
13. novembra 2006. godine
Sarajevo

Direktor
Alija Tihić, s. r.


P R I L O Ž I
UZ PRAVILNIK KOJI SE ODNOSE NA SKICE I SLIKE UNIFORME I OBUĆE CIVILNE
ZAŠTITE, SLIKE OPĆEG ZNAKA, OZNAKE SPECIJELNOSTI I OZNAKE KOMANDNIH
DUŽNOSTI U CIVILNOJ ZAŠTITI (Član 59. PRAVILNIKA)

Prilog broj 1

1) SLIKE I SKICE UNIFORME I OBUĆE CIVILNE ZAŠTITE

SLUŽBENA UNIFORMA

KAPA



Slika broj 1

KOŠULJA

Prednji dio košulje



Slika broj 2

Ledni dio košulje



Slika broj 3

Košulja prilagodena ljetnjim uslovima



Slika broj 4

PANTALONE



Slika broj 5

JAKNA – LJETNJA

Prednji dio jakne



Slika broj 6

Zadnji dio jakne



Slika broj 7

JAKNA ZIMSKA - VJETROVKA



Slika broj 8

MAJICA KRATKIH RUKAVA



Slika broj 9

RADNE RUKAVICE



Slika broj 10

KIŠNA KABANICA



Slika broj 11

RADNI KOMBINEZON



Slika broj 12

VUNENI DŽEMPER



Slika broj 13

RADNI PRSLUK



Slika broj 14

RANAC



Slika broj 15

POLUČIZME ILI DUBOKE CIPELE



Slika broj 16

2) OZNAKE SPECIJALNOSTI JEDINICA CIVILNE ZAŠTITE



Slika 17
JEDINICA MEDICINSKE POMOĆI



Slika 18
JEDINICA ZA RHB ZAŠTITU



Slika 19
JEDINICA ZA ZAŠTITU OD POŽARA



Slika 20
JEDINICA ZA ZAŠTITU ŽIVOTINJA I
NAMIRNICA ŽIVOTINJSKOG PORJEKLA



Slika 21
JEDINICA ZA ASANACIJU TERENA



Slika 22
JEDINICA ZA UNIŠTAVANJE
NEEKSPLODIRANIH UBOJNIH SREDSTAVA



Slika 23
**JEDINICA ZA SPASAVANJE NA
VODI I POD VODOM**



Slika 24
JEDINICA ZA SPASAVANJE SA VISINA



Slika 25
**JEDINICA ZA ZAŠTITU BILJA
I BILJNIH PROIZVODA**



Slika 26
JEDINICA ZA SPASAVANJE IZ RUŠEVINA



Slika 27
JEDINICA ZA SNABDJEVANJE



Slika 28
JEDINICA ZA SPAŠAVANJE IZ RUDNIKA



Slika 29
JEDINICA ZA KOMUNALNE POSLOVE



Slika 30
JEDINICA ZA GRADEVINSKE POSLOVE



Slika 31
**JEDINICA ZA ODRŽAVANJE
STAMBENIH OBJEKATA**



Slika 32
**FEDERALNA JEDINICA ZA
SPECIJALNE NAMJENE**

3) OZNAKE POVJERENIKA CIVILNE ZAŠTITE



Slika 33
POVJERENIK CIVILNE ZAŠTITE

4) OZNAKE KOMANDNIH DUŽNOSTI U ŠTABOVIMA CIVILNE ZAŠTITE

a) ZA FEDERALNI ŠTAB CIVILNE ZAŠTITE



Slika 34
**KOMANDANT FEDERALNOG
ŠTABA CIVILNE ZAŠTITE**



Slika 35
**NAČELNIK FEDERALNOG
ŠTABA CIVILNE ZAŠTITE**



Slika 36
**ČLAN FEDERALNOG
ŠTABA CIVILNE ZAŠTITE**

b) ZA KANTONALNI ŠTAB CIVILNE ZAŠTITE



Slika 37
**KOMANDANT KANTONALNOG
ŠTABA CIVILNE ZAŠTITE**



Slika 38
**NAČELNIK KANTONALNOG
ŠTABA CIVILNE ZAŠTITE**



Slika 39
**ČLAN KANTONALNOG
ŠTABA CIVILNE ZAŠTITE**

e) ZA OPĆINSKI ŠTAB CIVILNE ZAŠTITE



Slika 40
**KOMANDANT OPĆINSKOG
ŠTABA CIVILNE ZAŠTITE**



Slika 41
**NAČELNIK OPĆINSKOG
ŠTABA CIVILNE ZAŠTITE**




Slika 42
**ČLAN OPĆINSKOG
ŠTABA CIVILNE ZAŠTITE**

d) ZA ŠTAB CIVILNE ZAŠTITE MJESNE ZAJEDNICE



Slika 43
**KOMANDANT ŠTABA
MJESNE ZAJEDNICE**



Slika 44
**NAČELNIK ŠTABA
MJESNE ZAJEDNICE**



Slika 45
**ČLAN ŠTABA
MJESNE ZAJEDNICE**

e) ZA ŠTAB CIVILNE ZAŠTITE PRAVNOG LICA



Slika 46
**KOMANDANT ŠTABA
PRIVREDNOG DRUŠTVA**



Slika 47
**NAČELNIK ŠTABA
PRIVREDNOG DRUŠTVA**



Slika 48
**ČLAN ŠTABA
PRIVREDNOG DRUŠTVA**

f) ZA RUKOVODIOCE SLUŽBI ZAŠTITE I SPAŠAVANJA



Slika 49
RUKOVODILAC SLUŽBE ZAŠTITE I SPAŠAVANJA

g) ZA DJELATNIKE STRUČNE SLUŽBE ŠTABOVA



Slika 50
**STRUČNA SLUŽBA
FEDERALNOG ŠTABA CIVILNE ZAŠTITE**



Slika 51
**STRUČNA SLUŽBA
KANTONALNOG ŠTABA CIVILNE ZAŠTITE**



Slika 52
**STRUČNA SLUŽBA
OPĆINSKOG ŠTABA CIVILNE ZAŠTITE**

3) OZNAKE KOMANDNIH DUŽNOSTI U JEDINICAMA CIVILNE ZAŠTITE



Slika 53
KOMANDIR VODA



Slika 54
KOMANDIR ODJELJENJA



Slika 55
VOĐA TIMA



Slika 56
OPČI ZNAK CIVILNE ZAŠTITE

2. PODACI O RASPOREDU

1. Naziv nosioca pripreme
(Područje, karata, općina, privredno društvo)

Jednica - štab - povjerenik

Mjesto prikupljanja

MP:
(odgovor)

2. Naziv nosioca pripreme
(Područje, karata, općina, privredno društvo)

Jednica - štab - povjerenik

Mjesto prikupljanja

MP:
(odgovor)

3. Naziv nosioca pripreme
(Područje, karata, općina, privredno društvo)

Jednica - štab - povjerenik

Mjesto prikupljanja

MP:
(odgovor)

3. PODACI O OBLUCI U CIVILNOJ ZAŠTITI

1. Vrstu obuke

Od 20... god. Do 20... god.

Osposobljen za:
 MP:
(Preporučeno)

2. Vrstu obuke

Od 20... god. Do 20... god.

Osposobljen za:
 MP:
(Preporučeno)

3. Vrstu obuke

Od 20... god. Do 20... god.

Osposobljen za:
 MP:
(Preporučeno)

4. PODACI O UČEŠĆU U VJEŽBAMA CIVILNE ZAŠTITE

1. Vrsta vježbe i naziv:

Od 20... god. Do 20... god.

MP:
(Preporučeno)

2. Vrsta vježbe i naziv:

Od 20... god. Do 20... god.

MP:
(Preporučeno)

3. Vrsta vježbe i naziv:

Od 20... god. Do 20... god.

MP:
(Preporučeno)

5. SPISAK ZADUŽENE OPREME CIVILNE ZAŠTITE

Redni broj	IMOVINE	Jednica mjere	Zadužena količina
1.	Kipa	Km	
2.	Lampjarka	-/-	
3.	Rešavine	-/-	
4.	Šmala pikna - vjetrova	-/-	
5.	Koluje	-/-	
6.	Rešavinska	-/-	
7.	Mjerna tehnika	-/-	
8.	Vatni džemper	-/-	
9.	Rešavnik	-/-	
10.	Rukavice odne	Rm	
11.	Šmala kutarica	Rm	
12.	Rešav za paljenje	-/-	
13.	Opće	Rm	

